


UTL AT DOWNSVIEW



D RANGE BAY SHLF POS ITEM C
39 12 13 05 02 011 6



DS
22
043

Olgun, Tahir
Cengiz ve Hulagu mezalimi

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

3151

20/42

جنکیز و ہلا کو مظالمی

Olgun, Tahir

محری

طاہر المولوی

Cengiz ve Hülāgū
mezālimi


سبیل الرشاد کتب خانہ سی شریانی :

عدد : ۲۲

توسیع طباعت مطبعہ سی

۱۳۲۲

DS
22
043



شيخ سعدينك آجقلى برمرثيه سى

و

اولى يازدبرانه فجايع

ايرانلى اولارق دوغدينى حالده بوتون بشريتك ، حتى بوتون
جهان خاقتك محبى اولديغى :

بجهان خرم ازانم كه جهان خرم ازوست
عاشقم بر همه عالم كه همه عالم ازوست

بيتيله اعلان ايله ين (سعدى شيرازى) نك كليات جليله سى
آراسنده حزين اولديعى قدر عبرت آكين برمرثيه سى واردركه
بغدادده كى عباسى خليفه سنك ۶۵۶ تاريخنده وحشيانه قتل اولونماسى
وخلافت مقدسه اسلاميه نك محو ومضمحل ايديله سى اوزه رينه
يازيلشدر .

چوق دفعه نظر تآردن كچيرديكم بو فغاننامه يى اخيراً ينه
متأثرانه او قودينغ جهتله يابايلديكم قدر مألأً ترجمه ايمه يه ،
صوكراده اسباب تحريرى حقنده بر پارچه ايضاحات ويرمه يه
چاليشدم .

مطالعہ سی، شو صیرالردہ نیم معبودلر! درجہ سنہ چیقاریلان
 و تورکلر آراسندہ ہیچ باشقہ کیمسہ یوقش کبی تورکلکک تمثال
 مشخصی کوستہ ریلہ یہ چالیشیلان [۱] جنگیزلرلہ ہلاکولر حقندہ
 بلکہ برفکر ویرہ بیلیر :

آسمانرا حق بود کر خون بکرید بر زمین
 بر زوال ملک مستعصم امیر المؤمنین
 ای محمد کر قیامت می براری سر زخاک
 سر بر آورین قیامت در میان خلق بین
 ما زنینان حرم را خون حلق نازنین
 زاستان بگذشت وما را خون دل از آستین
 زینہار ازدور کیتی و انقلاب روزکار
 در خیال کس نکشتی کانچنان کردد چنین
 دیدہ بردارای کہ دیدی شوکت بیت الحرام
 قیصران روم سر بر خاک و خاقان بر زمین
 خون فرزاندن عم مصطفی شد ریختہ
 ہم بران خاکی کہ سلطانان نہادندی جبین
 بعد ازین آسایش از دنیا نباید چشم داشت
 قیر در انکشتی ماند چو برخیزد نکین
 دجلہ خونما بست زین پس کر نہد سر بر نشیب
 خاک نخلستان بطحارا کند باخون عجبین
 روی دریا درہم آمد زین حدیث ہو لناک

[۱] سلاطین اتراکدن آلپ آرسلان مرحومدن کچندہ بحث ایتشدہم.
 صیراسی کلدجکہ مشارالہ کبی ذوات محترمہ یہ دائردہ بعض سوزلر
 سویلہ یہ جکم .

میتوان دانست بر رویش زموج افتاده چین
 کر نه بیهوده ست و بی حاصل بود شستن با آب
 آدمی را حسرت از دل اسب راداغ از سرین
 نوحه لایق نیست برخاک شهیدان زانکه هست
 کمترین دولت مرا ایشانرا بهشت برترین
 لیکن از روی مسلمانان و راه مرحت
 مهربانرا دل بسوزد در فراق نازنین
 باش تا فردا که بیفی روزداد رستخیز
 کز لحد باروی خون آلوده برخیزد دفین
 در زمین خاک قدمشان توتبای چشم تو
 روز محشر خونشان کالکونه رخسار عین
 قالب مجروح اگر در خاک و خون غلطد چه باک
 روح پاک اندر جوار لطف رب العالمین
 تکیه بر دنیا نشاید کرد دل بروی نهاد
 کاسمان گاهی بمهرست ای برادر که بکین
 چرخ کردون بازمین کوی دوستک آسیاست
 در میان هر دو روز و شب دل مردم طخین
 زور بازوی شجاعت بر نیاید با اجل
 چون قضا آید نماید قوت رأی رزین
 تیغ هندی بر نیاید روزهیجا از نیام
 شیر مردی را که باشد مرک پنهان از کین
 کرکسانند از پی مردار دنیا جنگجوی
 ای برادر کرخردمندی چوسیمر غان نشین
 ملک دنیا را چه قیمت حاجت اینست از خدای
 کونکهدا رد بمار ملک ایمان و یقین

مألی :

« امیر المؤمنین (مستعصم بالله) ك زوال ملك و خلافتندن طولای
 كوكلر ، قان آغلایاجق اولسه لایقدر . یار سول الله ؟ خاك
 مرقدگدن صباح قیامتده قالقاجق ایسهك مبارك باشگی قالدیرده .
 خلق آراسنده کی بوقیامت کی کور .

نازنینان حجازك آقیدیلان قانلری ، قاپیلرك أشیكنی آشدی .
 بزم یوره کیمزدن جوشوب کوزلریمزدن دوکولن یاشلرده
 قوللریمزدن ، یکلریمزدن طاشدی . دور کردونه و انقلاب زمانه
 بل باغلاما، او یله بر سطوت و استقلالك بویله برفلاکت واضمحلاله
 مبدل اولاجغنی کیم اوماردی ؟

ای بیت الحرامك شوکتی کورن، قیصر لرله خاقانلرك باشلرینی
 باب خلافتك أشیکنده مشاهده ایدن ! کوزیگی آج ده باق که :
 سلاطین جهانك وضع جبین ایتدیکی زمین اوزه رینه پیغمبر عمجه
 زاده لرینك مغدور آ قانلری دوکولدی . آرتیق دنیادن امن
 و آسایش بکله نیلمه مه لیدر . چونکه : بر یوزوك حلقه سنك قاشی
 کیده جك اولورسه یرنده قاره ساقیزدن باشقه برشی قالماز .

دجله نهری ، بوندن صوکر ا قان دریاسی اولارق آقاجق
 و جنوبه طوغرو جریان ایله یه جك اولورسه حجاز خرماقلرینك
 طوپراغنی قانلی چامور حالنه قویاجقدر .

بو قورقونج حادثہ دن دہ کیزلر بیلہ مضطرب اولمشد. باقہ گہا:
 سطح حندہ کی تلاطمنا دالغالر ، کدرلی بر یوزدہ کی اشمز ازاتک عینی
 دکیدر ؟ شوہائے یہ قارشی کوزیاشی دوکک واونکله تألمات قلبی
 تسکینہ چالیشمق : بر آتک قالچہ سندہ کی داغی ، بیقامقلہ ازالہ یہ
 اوغراشمق کیدر . شہیدلرک خاک مزارینہ قاپانوپدہ آغلامق
 لایق دکدر . زیرا : اونلرک ادنی مکافاتی ، جنت اعلا اولاجقدر .
 لکن نسبت اسلامیہ و مرحمت انسانہ نقطۂ نظرندن باقیلینجہ
 اونازنینلرک غیوبت ابدیہ سنہ قارشی شفقتی بر قلبک سکون
 اضطرابی قابل اولامیور .

صبر ایت ، ہلہ قیامت کلسین ، اویوم عدالتدہ بوشہیدلر ،
 خونفشان چہرہ لرلہ قبرلرندن قالقسین . اووقت باصدقلمی
 طوپراغک عیون اعیانہ سرمہ وودوکدکلمی قانک حوری یاناقلمینہ
 غازہ اولاجغنی کورورسک . یارالی برگوودہ نک قانلر ایچسندہ
 و طوپراقلر اوستندہ دہ بہلہ نمہ سنک نہ اہمیتی وار ؟ اوشکستہ
 قفسدن قورتولان روح ، اللہک جوار مرحمتہ پرواز ایدہ جکدر .
 شو متحول دنیاہ استناد ایلہ ربط قلب ایتک طوغروبرایش
 دکدر . فلک ؛ بعضاً محبت ارانہ ایدر ، بعضاً دہ خصومت کوستہ ریر .
 فی المثل سما ایلہ زمین ، ایکی دہ کیرمن طاشی کیدر کہ کیجہ کوندوز
 انسانلرک قلبی قیروب اوگودورلر .

شجاعت ، اجلہ قارشی زور بازوسی کوستہ رمز ، بلکہ بیلہ گی

بوکولور ! قضای الہی بہ مقابل اک طوغرو فکرلرک تدبیر
و تاثیر اولاماز .

أولوم ، پوصویہ کیرمش بولونورسہ آرسلان قدر جسور
زیبکیت ، محاربہ میدانندہ قیدیجی جیقارمایہ وقت بولاماز .
دنیا ایچین اوغراشانلر ، برلاشہ باشندہ بوغوشان آق
بابالره بکزه لرلر . برادر ! عقللی بر آدامسہک (سیمرخ) قوشی
کبی - منزوی و مستغنی - یاشا . دنیا ملکک نہ قیمتی واردر ؟
بزم اللہدن دیلہ دیکمز شیء ، آنجاق ایمان و یقینمزی شیطانک
هجوم و غلبہ سندن محافظہ بویورماسیدر . »

*

* *

شیخ سعدی ، بو حزین و آتشین نوا ایلہ ۶۵۶ سنہ سندنہ کی
خزان خلافتدہ نوحہ ساز اولمشدی . چونکہ : اوموسم الیمہ -
۱۳۲ ربیع الآخرینک ۳ ندن ۶۵۶ محرمنک ۱۰ نہ قدر دوام
ایلہین - خلافت عباسیہ ، سقوط ایتمش و برقاج عصرلق مدنیت
اسلامیہ نک معرض عمرانی بولونان دارالسلام بغداد :

کوکل معمورہ سی ، آرتیق خراب آبادہ دونمشدر
یانوب صوکر ا یقیلمش بر حزین بنیادہ دونمشدر

حال خرابیسنہ دوشمشدی .

برپارچہ تفصیلات ویرہیم . فقط سوزلریمک بعض افراطیر-

حسن تلقی کورمه یه جکنه امینم . چونکه : مأخذ و مقتبس
آثار شرقیه در . دیدیکم افراطیورلر ایسه اونلری بکه میورلر ،
حتی غرضکارلقه اتهام ایدیورلر . زیرا (یاسا) سینه ایمان
ومزارینه یمن ایله دکلری جنکیزک مظالمندن بحث اولونماسنی
چکه میورلر . موغول وحشتی صیراسنده ، یاخود اوکا یاقین
زمانلرده یازیلش تاریخلره اعتماد کوسته رمیورلر . بونلره مقابل
(له تون قاهون) اسمنده بر موسوینک اثریله . مسلمان دشمنی
بعضی اوروپالیلرک تحریر ایتدکلری کتابلره تاممیله اینانیورلر .
عربجه و عجمجه تاریخلرک جنکیز علیهنده کی یازیلری ، غیرت
اسلامیه ایله براز مبالغه لی یازیلش اولسون دییهلم ، یافرنکجه
تاریخلرک جنکیز لهنده کی یازیلرینک ده غیرت خرستیانیه و خصوصت
اسلامیه ایله یازیلماش اولدیغنه ناصل ایمان ایدلم ؟

ایشته ۷۳۲ تاریخنده ، یعنی جنکیزک وفاتندن ۱۰۸ سنه
وهلاکونک هلاکندن ۶۹ ییل سوکرا ارتحال ایله یوب اوفجایع
دورلرینه یتیشنلره کوروشمش اولان (ابوالفدا) نک تاریخ
مشهورندن شو سطرلری نقل ایله یورم .

(فن شاء فلیؤمن ومن شاء فلیکفر)

مورخ مشارالیه ، ۶۱۶ سنه سی وقایعی یازارکن (ذکر
ظهور التتر) عنوانی بر بحث آچیورده دیورکه :
» بوسنه ، موغول طائفه سی ظهور ایدوب برچوق بلاد

اسلامیه بی ضبط ایله دی واهالیسنی اولدوروب چولوغی ،
چو جوغی اسیر آلدی که مسلمانلغک ظهورندن بری اهل اسلامه
بودرجه مدهش بر فلاکت عارض اولمامشدی .

بوسنه ایچنده ایدی که : (علاءالدین محمد خوارزمشاه بن
تکش) ک استیلای ممالکی ایچین خروج ایدرک سیحون نهرینی
کچدیلر . یانلرنده حکمدارلری اولان (جنگیزخان) ده بولودینی
حالده ذی الحجه نك دردنچی کونی بخارانی استیلا ایتدیلر ،
واهالینک استیمانی اوزهرینه امان و یروب شهره کیردیلر . قلعه ،
تسلیم اولمادینی جهتله تحت محاصره یه آلدیلر . سوکرا ضبط
ایدوب ایچنده کیلری اولدوردیلر ، دها سوکراده اهالی بلده بی
قتل ایله دیلر . (*)

[.] جنگیز خان ، بخارایه کلد کده خوارزمشاه عسکری ، اوچ
کون شدتلی جنگ ایتد کدن ، صکره اکثری صاووشوب خراسان یاقاسنه
کچدیلر و بقیه سی بخارا قلعه سنه قاپاندیلر . اهالی ، خوارزمشاه عسکرینک
فرار ایتد کلرینی کورنجه حیرته قالدیلر . وهان امان آلمق اوزره
قاضی بلده اولان (بدرالدین قاضیخان) ی جنگیز خانه کونده ردیلر .
اوده امان وردی . آنک اوزرینه قاپیلر آچیلدی .

۶۱۶ سنه سی ذی الحجه سنک دردنچی صالی کونی جنگیزک عسکرلری
درون شهره کیردیلر . کیمسه یه تعرض ایتیوب آنجق « دولته عائد
اولان ذخیره و اموال سائر بی میدان چیقاریکیز . و قلعه ده کیلر ایله
محاربه ده بزه یاریم ایدیکیز » دیدیلر . صورت عدالت و حسن صورت
کوستردیلر .

سطور آتیه‌ی (جلال‌الدین خوارزمشاه) کاتب
 انشاسی (محمد بن احمد بن علی النسوی) نک (تاریخ ظهور
 التتر) عنوانی کتابندن آلم :
 «چین خطه‌سی. واسع بر مملکت اولوب اطراف آلتی ،
 یدی آیده دولاشیلر .

جنکیز دخی شهره کیردی . وقلعه‌ی دائرأ مادر حصر و احاطه ایتدی
 وقعه خندقك املاسی ایچون امر ویردی . اهالی ، بولدیقلری اشیایی ،
 حتی جامعلك منبرلری و مصاحف شریفه‌ی بیله خندی ایچنه آتدیلر ،
 خندق املا ایتدیلر . آندن صکره موغوللر ، قلعه‌یه هجوم ایلدیلر و جبرأ
 قلعه‌یه کیردیلر . محصورین ، یاقه یاقه‌یه جمله‌سی شهید اولنجیه قدر جنک
 ایتدیلر .

قعه ایشی بیتدکن صکره جنکیزخان ، اهالی‌یه «کافه» خارج شهره
 چیقسونلر «دیو امر ایتدی . اهالی ، یالکیز اوزرنده کی لباسلریله
 طیشارو چیقدیلر . آنک اوزرینه موغوللر کیروب شهری نهب ویغما
 و شهرده قالمش اولانلری قتل و القای نار ایله شهری احراق ایلدیلر .
 بخارا ، اوزمان بریوک دارالعلوم اولوب فقه و علما ایله مملوایدی
 و بک چوق جامع و مدرسه‌لری وارایدی . جمله‌سی یانوب کول اولدی ،
 صانکه دونکی کون بخارا یوق ایمش کبی بریانغین یرندن عبارت قالدی .
 بعده جنکیز خان ، اهالی‌ی اسیر اولق اوزره عسکرینه تقسیم ایتدی .
 نسوان و صبیان ، یکدی کیرندن آریلورایکن یوره‌کاری ده‌لن فریاد و فغا-
 نلری موغوللره هیچ تأثیر ایتوب آنلر ، حصه‌لینه دوشن اهل اسلام
 خاتونلرینک علناً عرضلرینه کچیورلردی . بونی کورن اهل اسلامک اللرندن
 برشی کلیوب فقط یالکیز بکا ایدرلردی . «

«قصص انبیا جلد ۱۱ جودت پاشا»

بوخطه واسعه ، قدمدبری آلتی قسمه آیریلش وهر قسمی
 - کندی دیلرنبجه (ملک) دیمک اولان - بر(خان)(.)ك اداره سنده ،
 خانلرك جمله سی ده (قاآن اکبر) ك تحت نفوذنده بولونمشدر .
 (خوارزمشاه محمد بن تگش) ك معاصری بولونان قاآن
 اکبر (آلتون خان) اسمنده ایدی که (کابرآ عن کابر ، بل کافرآ
 عن کافر) قاآنغی توارث ایتشدی . بونك نفوذی آلتنده بولونوب
 قطعات سته دن برينك حکمداری اولان (دوشی خان) مشهور
 جنگیزك خالاسیله تزوج ایله مشدی . جنگیزك قبيله سی ده (تیمورجی)
 عنوانیله معروف اولوب یازین کوچه به حالنده بولنور ، قیشین ده
 (ارغون) ده نیلن موقعده اطوروردی .

[.] خان : اسم . چینیده (خانغ وانغ اونغ) ملك معناسنه
 اولقله تاتاردن اول چینه مستولی اولان اتراك ملوکی ، اول عنوانی
 طاقینمش وهر اولوس بیوکنه (خان) دینمشدر .
 خاقان : اسم . چینیده (هوهانك) پادشاه و شهنشاه معناسنه اولقله
 ترك و تاتار و مغول خانلری ، چین ایمپراطورلرینه غلبه ایدوب مستقل
 اولدجه بو عنوانی قولالامش و (خاقان) دیو تحریف ایتشلردر . کا
 صرحه عبدالله بیضاوی (قاآن) بونك تحریفله تعریبیدر . ترك و تاتارك
 اولوسلری خانلردن صاحب خروج اولانلر بتون (خاقان) تلقب
 ایتمشدر : دفتر خاقانی ، دیوان خاقانی ، نشان خاقانی ، خاقان چین .
 لهجه عثمانی — وفیق پاشا .
 قاآن : همزه ایله چین پادشاهلرینه مخصوص علمدر . قیصر روم
 وشاه ایران کی .

برهان قاطع ترجمه سی

بوقيله ، موغوللر آراسندهده شرّ و غدر ايله مشهور اولدینی
جهتله قطعات سته حکمدارلری ، بونک افرادینه پک کوز
آچدیرمازلردی . کونلردن برکون (دوشی خان) وفات ایتدی .
جنکيز خانده خالاسنی تعزیت ایچین زیارتنه کیتدی . خالاخانم ،
جوارده کی حکمدارلردن (کوچلو خان) ايله دیگر برخانه خبر کونده
روب برادرزاده سنک زوجی مقامنه کچیریله سنه توسط ايله مه لری
رجا ایتدی . چونکه : دوشی خان ، بلاولد ارتحال ایلدیکی جهتله
مملکتی حکمدارسرز قالمشدی . خانلر ، قادینک تکلیفی بالقبول
جنکيزی انیشته سنک یرینه کچیردیلر .

قآن اکبر اولان آلتون خان ، جنکيزک حکومتی قبول
ایتمه دیکی کبی اوکا معاونتهده بولونان خانلرده حدتله ندی . بونک
اوزه رینه اوچی بردن قآن اکبره عصیان ايله اوستنه یورویوب
کندیسنی فراره مجبور ایتدیلر . نهایت آلتون خان ، مصالحه
طلبنده بولوندی . قبول ايله دیلر و برزمان متفقانه وقت کچیردیلر .
بالاخره خانلردن بری ، مؤخرآده دیگرکی وفات ایدینجه
اورتاده جنکيز خان ايله کوچلو خانک اوغلی قالدی ، بوده باباسی
کبی (کوچلو خان) لقبی آلدی .

جنکيز خان ، ایکنجی کوچلو خانک چوجوقلغندن وضعفندن
بالاستفاده باباسیله اولان معاهده بی اخلال ایدرک انفرادواستقلال
فکرنده بولوندی . کوچلو خان ، مخالفت کوسته ریجنه آرالرنده

محاربه آچیلدی . جنکیز خان ، اوغلی (دوشی خان) ی [۰]
بر آوردو ایله یوللادی . دوشی خان ، کوچلو خانک عسکری بوزدی
وکندیسنی اولدوروب باشنی باباسنه کتیردی .

جنکیز خان ، تامایله کسب استقلال ایدینجه خوارزمشاهدن
مخادنت طلبنده بولوندی . مطلوبی حاصل اولمايجه عسکر چکوب
مقاتله یه کیریشدی . خوارزمشاهک اوردوسی منهزم ، کندیس
فراره مجبور اولدی . جنکیز خان ، بلاد ماوراءالنهری استیلا یله دیکی
کی خوارزمشاهی تعقیب ایتدیردی . اوایسه طبرستان کولنده کی
آطیه التجا واوراده ارتحال ایلدی . »

برده (قاموس الاعلام) ک شو سطرلری اوقویالم :
« جنکیز خان : دنیانک الک بیوک جهانگیرلردن والک مشهور
ظالم و خونریزلردن اولوب مغول طائفه سنه منسوبدر . اصل اسمی
(تموچین) در . ظهوری عالم اسلام ایچون بیوک مصائبدن
اولان بوشخص مضر ۵۴۸ تاریخ هجریسنده مغولستانده طوغوب
ابتدای حالنده برکوچک قبیله نکرئیس ایکن سائر رؤسای قبائلک
بعضیسیله اتفاق و بعضیسنه قارشی حرب ایدهرک جنکده کی طالعنک
یاردیمیه دهابر طاقیم رلر ضبط و کیتدکجه دائره حکومتی توسیع

[۰] عربجه تاریخلری جنکیززاده (جوجی خان) ی ، (دوشی خان)
دیه کوسته رلر .

ایدوب ۵۹۹ تاریخ ہجری سنہ بتون مغولستان و تاتارستان خانلرندن (خاقان) عنوانیہ پادشاہ طانیلہ رق قرہ قرومدہ (.) تحتہ جلوس ایتشدرد . بو وجہلہ بتون مغولستانک متبوعی اولدقدن صکرہ بواقوام بدویددن کلیتلی برعسکر ودها طوغریسی بر یغما کران اردوسی تشکیل ایدہ رک جهانگیر لکہ مباشرت ایتمش وابتدا الیوم ترکستان شرقی نامیلہ معروف اولان (خطا) یی ، بعدہ چینک جہت شمالیہ سنی وپکین شہری و متعاقباً قوریا مملکتنی ضبط ایلش و بو وجہلہ قوت و مکتنتی برقات دہا آرتیردقدن صکرہ ۶۱۶ دہ سلطان محمد خوارزمشاہہ اعلان حربلہ ماوراءالہر ، خوارزم ،

(.) قرہ قوروم : مغول دولت جنکیزیہ سنک پای تختی بولمش برشہر قدیم اولوب الیوم خرابدر . چینلیلر جہ (خواہن) یاخود (خورین) اسمیلہ معروف اولان بوشہر ، اویغور حکمدارلرندن (بوقوخان) طرفندن سکزنجی قرن میلادیدہ تأسیس اولمش و جنکیزخان ، اردوسنک خیمہ لرینی بوشہرک خارچندہ قورمقلہ مغوللر جہ (قرہ قوروم) اسمیلہ شہرت بولوب طورونی (قیلاقا آن) طرفندن پای تخت اتخاڈ اولمشیدی . قرہ قورومک معموریت دوری اووقت آچیلوب اصل مغوللرہ مخصوص قسم وسطیسنده پکچوق بخانہلر و سرائلر ، چینلیلر قسمندہ برچوق بودا معبدلری واسلام محلاتنی جامع جہتندہ دخی متعدد جوامع و مساجد و پک ایشلک برچارشنی وپازاری واریادی . بوشہر ، مغوللرک شوکت و شانیلہ برابر نابید اولوب یقین وقتہ قدر محلی دخی معلوم دکدی . اخیراً بعض سیاحلر طرفندن ۲۲ ۷۳۶ عرض شمالی و ۱۰۱ طول شرقیدہ و (اوکی نور) کویلہ (اورخون نہری) قربندہ خرابہلری کشف اولمشدر .

قاموس الاعلام

خراسان ، قندھار و ملتان جہتتری تخریب ، اہالیسنی قتل عام و بخارا ایلہ سمرقند ، بلخ ، ہرات ، کبی بیوک شہرلری خا ایلہ یکسان ایتدیکی کبی مدنیت اسلامیه نك آثارندن اولان نیچہ معمورہلری دخی بردھا کسب عمران ایدہ میہ جك صورتدہ ویراندلرہ چویرمشدر . شمال غربی یہ طوغری دخی توسیع فتوحات ایدوب دشت قیچاغی و قافقاس بلادیلہ روسیہ نك قسم جنوبیسنی ضبط و عسکرینك بر فرقه سی رومہ ، یعنی اناتولی یہ دخول ایلہ السکاسنی بحر چیندن بحر سیاہہ قدر توسیع ایلشدی . ۶۲۱ دہ قرہ قورومہ رجعت ایدوب ۶۲۴ نارینخندہ وفات ایتمشدر . غایتلہ خونریز و ظالم ر آدم اولوب اکی زیادہ خوشلان دینی شیء ، بیکناہ آملرلد و اطفال و نسانك دخی قانی دوکک ایدی . عسکری مجردا ککنجہ ایچون دخی آدم اولدیررلردی . وکندیسی ضبط ایتدیکی یرلرک اکثرندہ عموم اہالی بی قیلچدن کچیرمک امرینی ویرردی . آلتی یوزسنہ ظرفندہ نیچہ امکملرہ وجودہ کلش وحتی قبل الاسلام کی اقوام و امدن دخی قالمش اولان نیچہ آثار عمرانی ، نیچہ کتبخانہلری ، مدرسہلری ، رصد خانہلری احما ایلشدر . علما و حکمای اسلامک اکثر آثار مفیدہ لرینك الیوم مفقود و نایاب اولسی ، باشلیجہ جنکیز ایلہ اولاد و احفادینك و بونلرک تحت امرندہ اولان مغول طائفہ و حشیہ سنك ممالک اسلامیه دہ ایقاع ایتدکلی تخریبات جانسوزك نتیجہ سیدر . الحاصل جنکیز خانك خروجی ، عالم اسلام ایچون بیوک بر عقبہ مصیبت اولوب

هر نه قدر چوق کچمه دن ینه قوت و سلطنت ایدی، اسلامه عودت ایتیش ایسه ده مدیت اسلامیه بردها باش قالدیرامامشدر. واقعا جنگیزک خروچی انالرنده بین الاسلام فساد اخلاق و نفاق و فتنه یک زیاده چوغاش و بویله بر اضمحلاله دخی کسب استعداد ایتشدی. حتی آل جنگیزک خدمتنده بولمیش اولان بعض مورخین اسلام. بو آفتک ظهورینی مسلمانلار ایچون من طرف الله برتازیانه تربیه عد ایدرک بویله بر خونخوارک مظلوم مده شه سنی رضای آلهی به توفیق ایتک درجه سنه قدر جرأتلرینی ایلری به سورمکدن اوتانما مشلدرر» (.)

جنگیز کی بالعموم تورک لری برله شدیروب بر حکومت معظمه جهانگیرانه تأسیس ایلهمک امل عالیشانده بولوندیغی ادعا ایدیلن برداهینک، بویله عالم بشریته و بالخاصه جهان اسلامیه و بخصوص الخصوص تورک مملکتلرینک باشنه برداهیه دهیا اولارق آسیا قطعه سنک سمالرنده آلور، زمینلرنده ایسه قانلر آقیتدیغنه، رمادستان حالنه کتیردیگی — تعبیر جدید و جهله — مسلمان و تورک معموره لرینک خونین خرابه لری اوستمنده بوم شئامت مثالی قهقهه لر صالیویردیگنه

(.) بعض اسلام مورخ لری بویله اولدیغی کی اوشقاوت اوردولرینه التحاق ایتیش اولان بعض اسلام مجاهد لری ! ده واردی :

«غریبدرکه: عسا کر اسلامدن و ملل سائرمدن و علی الخصوص سیرسری و یغماچی کروهندن برچوق خلق، بوتانارلره منظم اولارق قاتارلرک اعمال فضیحه و نتیجه لرینه مشارکت ایلیمکده ایدیلر. قصص انبیا جلد ۱۱ جودت پاشا»

احتمال که اعتماد ایتمه به جکزر بولونور ، چونکه یوقاریکی یازیلر —
ولوکه قاموس الاعلامک اکثرمندرجاتی کبی آنسیقلوپه دی ترجمه سی
اولسون — عثمانلیجه یازیلش بولوندیغی جهتله آثار شرقیه دندر .
شرقلیرسه یوره ک یانغینلغی طولایسیله دائمجا جنکیزی حقمنز
وتبه له دیکی کسانى حقلی چیقاریرلر !

لکن پک ده اویله دکل . جنکیزی حقلی چیقارانی کورمه دم ، اما
اونک چیکنه دیکی خوارزم قطعه سنک بد بخت حکمداری (محمد
بن تکش) ه حقلی اولارق (حقمنز) دینلری بیلورم . ایشته بر
نمونه که (امام سیوطی) (تاریخ الخلفا) سنده یازیور :
« موغولر ، تورکره نسبتله اکلی یوزلو ، گهنیش گوگوسلو ،
الی ایاغی اوفاق ، قالچهلری ضعیف ، اسمر اللون ، سریع الحرکه
بر قومدر .

کندیلری ، احوال اقوامدن خبردار اولدقلری حالده هیچ بر
قوم ، اونلردن معلومات آلاماز . زیرا : عدم مشابته
طولایسیله بر جاسوس کیدوبده آرالرنده باریناماز . بر طرفه
کیده جک اولورلرسه ایشی کیزلی طوتارلر و بردن بره حرکت
ایده لرکه آنجاق بر بلده یه کیردکلری و بر اوردویه کیریشدکلری
صیراده کلدکلری آکلاشیلیر . قادینلری ده ار ککلری کبی
دو کوشورلر . اک مؤثر سلاهلری اوقدر و اولدورمه لرنده
استثنا یوقدر . ارکک ، قادین دیمزلر وچولوق ، چوجوق آییرد

ایتمزلر . مقصدلری ملک و مال دکل ، نرع بنی آدمک افناسی و معموره عالمک تخریبیدر . « جنکیز خانک حکمدارلغه کچمه سی یازیلدقدن صوکر ا » . . جنکیز خان ، ملکمنده مستقر قالدی . موغوللرک هپسی تحت اطاعتنه کیردیار ، حتی کندیسنده الوهیت ! و همیله قولی ، کوله سی اولدیلر .

تورک و فرغانه جه تلمینه تجاوزی ۶۰۶ تاریخنده باشلادی . خراسان حکمداری و خوارزم شاهی (سلطان محمد بن تکش) — که بر چوق ملو کی محو ایتمش و بر چوق ممالک ضبط ایله مش اولوب برده خلیفه اوزمدرینه یورومه یه حاضر لائمشدی [*] —

[*] خلفای عباسیه نک اوتوز دردنجیسی بولان (الناصر لدین الله احمد) دورنده (۵۵۸ — ۶۰۴) اندلس دولت امویه سیله فاطمیون دولتی محو اولمش ، عموم مسلمانلر کندیسنی خلیفه طائمشلردی . نه چاره که کندیسی بو اتحاد امتدن استفاده ایدرک خلافتک اعاده شوکت و قوتنه غیرت ایده جکی یرده کندیسنه قارشی رعایتده قصور ایتمش اولان خوارزم شاهی قطب الدین محمد اوزمدرینه جنکیز خانی تحریک ایله خلافت عباسیه نک محوینه سبب اولمشدر .

خوارزمشاهک فصورندن طولایی تأدینه قیام ، شایان تحسین بر حرکت ایدی . فقط آنی تأدیب ایچون اسلامیت و مدنیت دشمنی بولان جنکیزک قوتنه مراجعت ، عفو اولتماز برجنایت اولقندن قورتولاماز . زیرا برعاصی بنده سنی تربیه ایچون اجنبی قوتنه مراجعت ایچون اولور اولماز حییتسزک کافی دکلدر .

ناصر لدین الله احمدک برنجی وایکنجی خلفلری زمانلرنده جنکیزلرک وحشتلری دوام ایتمشدر . وسطی آسیه ایله عراقده میلیونلرجه بیکناهلرک قانی دوکلمشدر . تاریخ عمومی جلد ۳ مراد بک

بونارہ قارشی طورامایاجغنی آکلادیقی جھتلہ فرغانہ ، شاش ،
 کاشان بلدہ لرینک اہالیسنی سمرقندہ و بلاد سائرہ یہ نقل ایتدکدن
 سوکرا او معمور شہرلری تخریب ایتدیردی وشو تدیر ایلہ
 موغوللرک تجاوزینہ سد چکدم ظنندہ بولوندی . فقط اونلر ،
 بطی آدیملرلہ ایلرلیورلردی . ۶۱۵ سنہ سی ایچندہ ایدی کہ :
 جنکیزک بر ایلچیسکی کلوب (اوغلم) خطابیہ سازم کتیردیکنی
 وایکی مملکت تجارینک سربستجہ کیدوب کملرلی حقندہ قاآن
 اعظمک مساعدہ ایستہدیکنی خوارزمشاہہ تبلیغ ایتدی . اودہ
 بوکا جواب موافقت وبردیکی جھتلہ ارباب تجارت کلوب کیتمہ یہ
 باشلادی .

خوارزمشاہک دایسی اولان (اینالچق) (.) ماوراءالنہروالیسی
 بولونویوردی ، معیتندہ یکرمی بیگ سواری واردی .
 برکون قیمتدار اشیایی حامل اولمق اوزرہ بر موغول کاربانی ،
 خوارزم قطعہ سنک سرحدی اولان (اوترار) بلدہ سنہ کلدی .
 بو اشیا ، والی واوچ بکی بولونان اینالچنک حرص وطمعنی
 جلب ایتدیکی جھتلہ « برکاربان کلدی ، فقط تجار قیافتہ کیرمش
 جاسوسلردن متشکلدر . صانیورم » مآلندہ برعریضہ یازوب مرکز
 حکومتہ یوللادی واحتیاطلی داورانماسی حقندہ امر آلدی .
 بونک اوزہرینہ کاروان خلقنی اورتادن قالدیروب اموال

واشیای ضبط ایتدی . لکن جنکیز خانکده ایلیچیی کلوب
 « تجاریمزه امان و یردیکک حالدده غدرایتک . غدر ، قبیح اونقله
 برابر سلطان اسلام طرفدن وقوع بولورسه اقبیح صایلیر . اکر
 بواشی سندن امر آلمقسزین داییک یاپدیسه اونى بزه تسلیم
 ایت . یوقسه کوره جککى کندیک بیلرسک » اولتیماتومنى خوارزمشاهه
 تبلیغ ایله دی .

سلطان محمد ، بودهشتلی خبردن قورقوب تیره دیسه ده تجلد
 کوسته رمک ایسته یه رک ایلیچی بی اولدورتدی .
 صاغلقله شوحر کتده بولونماسه یدی ده مسلمان قانک هر طرفده
 نهرلرکی آقاسنه سبب اولماسه یدی .

جودت پاشا مرحومده بوخصوص حقنده شویله دییور :
 « خوارزمشاه ، وکلاسیله تداییر حربیه مذاکره سننده ایکن
 جنکیزک ایلیچیی ، نامه ایله کلدی . بونا مه ده « بنم آدم لریمی قتل
 ایدرسکیز ، مللرینی آلورسکیز . آرتق جنکه حاضر اولدیزکه
 طاقت کتوره میه جککیز جمعیت ایله اوزرکزه کلیورم » دیو
 خوارزمشاهی تهدید ایلیوردی . خوارزمشاه ، بوندن حدتله ندی
 و حدت ، آکاینه چیرکین برایش یاپدیردی . شویله که : جنکیزک
 ایلیچیینی اولدورتدی و معیتی مأمورلرینک لحیه لرینی تراش ایتدیروب
 کیرو چویردی . زیرا ایلیچی اولدورمک حقوق مللک خلافی
 و (ایلیچی به زوال اولماز) قاعده سنه منافیدر . بناءً علیه جنکیز

خان ، یدی یوز بیک سواری ایله تاتارستاندن خروج ایله جانب غریبه حرکت ایلدی .

کړک متن ، کړک حاشیه اولارق کوسته ردیکم شواوچ نمونه دن آکلاشیل مشدرکه اسلام مورخلری ، پکده حسیاته قاپیلارق سوز سویله میورلر . مشرک بولونان جنکیزه قارشی مسلم بولونان محمد خوارزمشاهی ، حتی خلیفه اسلام ناصرالدین اللهی تخطئه ایدیورلر .

أوت ، خوارزمشاه ، مخطی ایدی . چونکه : متبوع دینیسی اولان خلیفه مسلمینه عصیان ایتمش و دارالخلافه یی تسخیر ایچین بغداده کیتمه یه قالقیشمشدی . ناصرالدین اللهده مخطی ایدی . زیرا اوده خوارزمشاهه اولان اغبراری طولایسیله جنکیز کی برخونریزی عالم اسلامک باشنه مسلط ایتمشدی .

خوارزمشاه ، ایکنجی و اوچنجی بر خطاده بولوندی ، جنکیزک تاجرلریله ایلچیسینی اولدورتدی . شو حرکتیله فتنه اوپاندیرمش و اوپویان ییلانک قویروغنه باصمش اولدی .

جنکیز خان ، خصمنی تأدیپ ایچین اوستنه یورودی و اوغلی (جوجی خان) قومانداسنده بولونان مقدمه الجیشی ، خوارزم اوردوسیله اوچ کون ، اوچ کیجه قانلی بر محاربه ایده رک غلبه چالدی . خوارزمشاه ، انهزام واقع اوزرینه بخارایه کلوب اورایه محافظ اقامه و سمرقنده مدافع سوق ایله دکن صوکر

یکیدن عسکر طوپلامق فکریلہ خراسانہ کیتدی .

موغولر ، بخارا اوکندهده محاربہ و غلبہ ایدہرک شہری محاصرہ آلدیلر و اہالینک استیمانی بالقبول آچیلان قایلردن ایجری یہ کیردیلر . خوارزم عسکرینک بر قسمی قلعه یہ قابانمشدی . قلعه نی استیلا و عسکری احمایلہ دیلر ، آرتیق ایش بیتمش دیمکدی . چونکہ : بخارانک دہ حکمداری اولان خوارزمشاہک اوردوسی بوزولمش ، کندسی فرارہ مجبور اولمش ، بخارایلردہ امان دیلہ یوب اولومدن قورتولمشدی . بوندن صوکرا - اتحاد اتراک املنی بسلہین - اولوخاقانک بوزواللی تورکری دہ زیر جناحنہ آلماسی و شوصورتلہ تورک قوت و عددینک چوغالمسی لازم کلیوردی .

عجبا بویلمی اولدی ؟ ہہات !

یوقاریدہ نقل ایدیلدیکی وجہلہ اہالی ، یوردندن دیشاری یہ چیقاریلدی . ایجریدہ قالمش اولانلر بلااستنا قتل ایدیلدی . نہوار ، نہ یوق چاپولہ اوغراقدن صوکرا او شہر معمورہ آتش ویریلدی . زمینی قان ایلہ صیواندینی کبی سہاسی خاتمانسوز آلورلہ بویاندی . دیشاری یہ چیقاریلانلردہ ویریلن امانہ رغماً کولہ ، جاریہ دیہ موغول افرادینہ تقسیم اولوندی . حیات ، حریت ، عفت ہیچہ صاییلدی ...

نہایت جنکیز خانک ، او بویوک فکرلی خاقانک مظفر ! اوردوسی ، کوللر وقانلر اوزرنده یورویہرک سمرقندہ کیتدی .

موغول آتلینک آرقه سندن یابان قوشمایه مجبور اولان
اسرانک یورویمه یه جک درجه ده ضعیف دوشنلری ده مرحله !
صاغلقدن قورتاریلدی .

(سمرقند) و (اوتزار) بلده لری عین مظالمی کوردی .
بلاد سائرہ معمورده عین وحشتک ساحه اجرا آتی اولدی [*]
مدافعه ده بولونان (کورکنج) شهری ، بش آی محاصردن
صوگرا سدلری ییقلوب جیحون صولرینک آلتنده بیراقلیدی ،
بنالری ییقلوب ایچنده کی عجزه ایله نسوان و صبیان بوغولدی . صودن
قورتولا بیلنلرده قیلچن کچیریلدی .

هله (مرو) ایله (هرات) ده اولدوردکلری نفوس ،
عقللری چله دن چیقاراجق درجه ده ایدی . برنجیسنده ۷۰۰۰۰۰ ،

[*] آسیای وسطانک اول زمانکی عمارت و یسارینه برمثال اولق
اوزره یالکربلخ شهرنده صلات جمعه قیلینور بیک ایکی یوزجامع بواندینی
ذکر ایدلم . فذلک تاریخ عثمانی مقدمه سی — عبدالرحمن شرف بک .
بوتاریخلرده ماوراءالنهر صحاریسی ایله خراسان و ایران قطعه لری ،
سینه لرده وقوعه کلش برچوق محارباته رغماً اک زیاده حائز عمران
خطه لردن معدود بولمقده ایدی . اها لیلری رفاه ایچنده ایدی . علوم
و ادبیات ، صنایع نفیسه خرافت هر طرفه ترقی ایتمکده ، تشویق و حمایه
کورمکده ایدی . شهرلر غلبه ک ، خصوصی و عمومی برچوق مبانی
ظریفه ایله مزیندی . هرات و بلخ شهرلری بررمیایون نفوسه مالکدیلر .
بخارا ایله سمرقنده ایسه نفوس بومقداری متجاوزدی .
مصور تاریخ اسلام — سید امیر علی .

ایکنجیسندە ۱،۵۰۰،۰۰۰ کیشی تلف اولدی دیورلر . بونک یاریمی مبالغه اولسەده یاری یاری بەتزیل ایدیلسه ینە بر میلیوندن فضله طوتار .

دها زیاده مصیبت دلالتی ایتەک ایچین (بامیان) قلعه - سندە - حیوانانی ییلە دو غرامق شرطیلە ذیروح بیر اقامد قیری و سندنهری کنارندە بولوندقلری سیراده طاعون ظهور ایتەسنە بناء نه قدر مسلمان اسیر وارسه هپسی اولدوردکلرینی سویلە یە رک فقرات آتیه ایله چنگیز مظالمی بحثنه خاتمە چکەجکم :

« تاتارلر، بخارادن صوکر ا یالکز ماوراءالنهر مرکز ی دکل، کره ارضک اک بویوک بر تجارت انباری حکمنده بولنان سمر قندە واصل اولدیلر . شهر، دائراً مادار اوچ میل مساحه سندە اولوب اطرافندە متعدد دە میر قاپیلر و قلەلرله مجهز بر سور بولمقدە ایدی، عساکر محافظه سی ۱۱۰۰۰۰ راده سندە اولوب بویکونک (۶۰۰۰۰) ی ترکمن وقانیقلی (۵۰۰۰۰) ی ایسه ناجر و عجم ایدی . ترک تاجرلری، وطنداشلری اولان مونقوللردن حسن معامله کوره جکلرینی امید ایله شهردن چیقیدیلرسەده جمله سی بردن تاتارلر طرفندن هان قتل اولندی . بونک اوزرینه شهرده بولنان ائمه و اشراف، خارجه چیقارق بلده یی تسلیم ایتدیلر .

سمر قند، تسلیم اولدینی حالده ینە تخریب ایدیلدی .

سکنہ سندن قسم اعظمی قلیچدن کچیریلدی . (۳۰۰۰۰) ی
متجاوز ارباب صنعت اسیر اولارق جنکیز طرفندن مخدوملرینه
ویریلدی . براوقدری ده خدمات عسکریه و نقلیه ده استخدام
اولندی . شهرک میلیونلرجه نفوسی ایچندن فلا کتلیرینی حکایه
ایده بیله جک^۱ (۵۰۰۰۰) کیشی قدر قالمشدی . بخارا ایله
سمرقندک بوعاقتلرینی ایشیدن (بلخ) شهری سکنه سی ،
تاتارلره هدایا اعزامیله جنکیزه عرض تسلیمیت ایتدیلر سده
مونقول حکمداری ، بوشهری بلا تخریب پسندہ براققدن
قورقدی و نفوسی تعداد وسیله سیله قصبه یه داخل اولدقدن
صوکر سکانی قلیچدن کچیردی . بلخ ده دیکرلری کبی خاک ایله
یکسان اولدی .

میلادک ۱۲۲۰ سنه سنده تاتارلر ، شدتلی برحاربہ دن صوکر
(خیوہ) شهرینی ده ضبط ایدوب خلقنی قتل عام ایلدکلری کبی
(اوقوس) نہرینک سدلرینی آچہرق قصبہ یی تخریب ایتدیلر .
(نسا) قصبہ سنده (۷۰۰۰۰) کیشی قتل اولندی . ۱۲۲۱
سنہ میلادیہ سنده طاهر یلریله ایران سلچوقیلرک پای تختی اولان
(نیشاپور) ده خراب ایدیلدی . سکنہ سندن (۴۰۰) کیشی
اسیر نامیله تملک اولندی . (میرخواند) ہ نظرآ نیشاپور ایله
جوارندہ اجرا اولنان قتل عامده (۱۷۴۷، ۷۰۰) کیشی
تلف ایدیلمشدی .

تاتارلر ، ہرات وجوارندہ برہفتہ ظرفندہ (۱،۶۰۰،۰۰۰) کیشی بی قتل عام ایدہ رک بلدہ لری تخریب و احراق ایلدیلر .
(ری) (دیناور) و (ہمدان) شہر لری دہ یغما ایدیلوب
سکنہ سنک بر قسم مهمی قلیچدن کچیریلدی

ماوراءالنہر ایلہ خراسان قطعہ لرندہ اثر اعصار اولان بوتون
بر مدینت خراب اولمش ، سکنہ لری باربارلقہ دمکذار اولمایہ
باشلامشدی . آسیای وسطانک چین و ہند امتعہ تجاریہ سنی
آسیای غربیہ بہ ویا اوروپایہ سوق ایدن طریق جسیمی تہی
وبیکس قالدینی کبی تجارت و حرافت تا ابد مہمل وزائل
اولمشدی . شہرلر برر خرابہ زار حالندہ مشہود ایدی . سکانی
ایسہ یا اعدام ایدیلیور ویا جبراً مونغول اوردوسنہ عسکر قید
اولنیوردی .

تاتارلرک هجومی ، آسیای وسطادہ کی حیات فکریہ بہ خاتمہ
چکمش اولیوردی . زیرا ایران ایلہ قطعات غربیہ ، بالآخرہ
تلافی مافاتہ موفق اولدیلر سہدہ بخارا ایلہ سمر قند ، ہیچ بر
زمان فعالیت فکریہ لرینی استردادہ نائل اولامایہ جقلردی .

جنکیز، آسیای وسطی ایلہ ایرانی بر خرابہ زارہ چویردکن
صوکر صحرای شرقیہ عودت ایدوب بر مدت صوکر ترک
حیات ایلدی .

مصور تاریخ اسلام — سید امیر علی

«خراسان کی معمور بر اقلیم، بوفتنه لر اثناسنده اویله خراب اولمشدی که : بر آدم ، جی چون ساحلیله استرآباده قدر کیتسه انسان میتہ سندن باشقه ییہ جک شی بولامازدی . عراق عجم دخی اووجهله خراب اولمشدی . الحاصل او زمان بدء اسلامدن برو ملت اسلامیه نک باشنه کله یں فلا کتار کلشدی که اقصای غرب و شمالدن خروج ایدن اهل صلیب ، بر الشامک مهم بلده لریخی ضبط ایلد کدن سکره دمیاطی استیلا ایلہ مصری تضییق ایدرکن اقصای شرقدن خروج ایدن مغول و تاتارلر دخی مدت قلیله ظرفنده بلاد ماوراءالنهر ایلہ خراسان و عراق عجم و آذر بایجانی ضرب و نهب و نفوس موجوده لرینک ثلثانندن زیاده سنی اعدام ایلہ بونجه بلاد معموره یی تخریب ایلدیلر و نسوان و صبیانی اولدورمک و کبه قادینلرک قارنی یاروب قارنلرنده کی جنینلری تلف ایتمک کی انسانی دلخون ایدہ جک و توپلری اورپردہ جک فاجعه لر ایشله دیلر . »

« قصص انبیا - جلد ۱۱ جودت پاشا »

« طوفان کبیر، طوفان ما ایسه ظهور تاتاره طوفان آتش و یاخود طوفان خون ده نیلسه شایاندر . چونکه : بر فرقه سی بر شهره هجوم ایتسه بهمہ حال یرنده کمیک ییغینندن ، بنا خاکسترندن باشقه برشی قالمازدی . براردوسی بر صحرا یه اوغراسه البته آتلی دیز قاباقلرینه قدر قان ایلہ یوغورلمش چاموره باتمان کچمزدی .

اقوام اسلامك عمومہ بردرجہ یلغیناق گمشدی کہ مغول، مروی ضبط ایتدیکی زمان هر تاتارك اعدام ایلدیکی آدم، درت یوزہ بالغ اولمش ایدی. مراغده بر تاتارقاریسی، بر سرای خلقی علی العموم قتل ایتمش و هیچ برنده مقاومت دکل، تخلیص جان ایچون بر حرکت مذبحانه بیلہ کورمه مشدی. « کمال بك مرحوم »

«فتنه تاتارك زیروز بر ایلدیکی یرلردن فرار ایلہ یاقه نی قور تاران طوائفدن بری ده عثمانیلرک جدّ اعلاسی اولان (قای خان) عشیرتی ایدی. تاریخلر مزك روایتہ نظر آ عشیرت مزبورہ (آل سلجوق) رفاقیلہ ماوراءالنہردن زمین ایرانہ انتقال ایدن ترك قبائلندن اولوب مرو مضافتندن (ماهان) نواحیسنده اختیار توطن ایتمش ایکن غائلہ جنگیزیه ظهورنده ترك دیارہ وجهت غربیه طوغری فرارہ مجبور اولمش وابتدا اخلاطہ و آندن آذربایجانہ هجرت ونهایت حلب معمورہ لرینہ طوغری عزیزمتده جعفرقلعه سی (.) پیشکاهنده رئیس (سلیمان شاه ابن قیا آل) قضاء فرات نهرینہ دوشهرك ارتحال دار آخرت ایلشدر .

«تاریخ عثمانی انجمنی رئیس وقعه نویس عبدالرحمن شرف بك»

(.) ذکرہ شایاندر فراتك هریری بن کہ بر تورکم اونوتمام (جعفر) ی تورک اولان نعمتشناس اولقی کرک وادیری کیتسم (مزار ترك) مدك ای مزار ترك! صفوتخانه-ك خوابگاه شاهسك، شاهانه سك افتخار ایت ای سرای معنوی شاه ترکان سنده اولمش منزوی تاریخ نویس سلاطین آل عثمان معلم ناجی مرحوم

« جنکیز خان و خلفری آرتق بخارا ، سمر قند ، نیشاپور و اصفهان طرفلریخی کاملاً ضبط ایتشلردی . طوغرول بك ايله ملكشاهك اداره سنده بولونان يرلرك كافه سی موغوللرك حاكیمیتی آلتنه كچمشدی . اوصره ده بو حوالی یه يرلرشن توركلردن بر قسیمی ، موغول حاكیمیتی قبول ایتك ایسته مدكلرندن آنا طولی یه مهاجرت ایتشلردی . بودورده آنا طولی ده برچوق تورك قبیله لری بولونیور ، كافه سی ده ملی خاندانلریخی محافظه ایلوردی . بو مهاجرتیه اشتراك ایدن قبیله لر ایچنده بر قبیله واردی كه (قایی) عائله سندن قایا آلك اوغلی سلیمان شاهك معیتنده واللی بیك کیشی قوتنده ایدی . ایشته عثمانلی خاندانك مؤسسسی عثمان غازینك جدی ، بو قایا آلب ایدی .

جنکیز خان ، خوارزم حوالیسی ايله جلال الدینك بوتون ممالکینی اشغال ايله دیکی صهرده سلیمان شاه ، خوارزمده (ماهان) شهرندن چیقمش ، قبیله سی ايله برابر (ارمنستان) طرفلرینه كلهرك (ارزنجان) و (اخلاط) جوارنده يرلرشمشدی (۱۲۲۴) . برقاج سنه صوكر ا جنکیز خانك وفاتی خبرینی آلتجه بورادن قالقمش ، قبیله سنی طوپلامش ، فرات ساحلرینی تعقیب ایدهرك لطیف اقلیمی وطیبی ثروتلرله كوكلنی جذب ایدن وطن اصلیسینه دونمك ایسته مشدی . فقط (جعبر) قلعه سی جوارندن نهری كچر ایكن غرق اولمش (۱۲۳۱) ، وفاتی قبیله سی آره سنده

جسارتسزلك واختلاف حصوله كتير مشدى . تاريخ عثمانى انجمنى
اعضاسندن احمد رفيق بك ،

ايسته شواوزون اوزادى يه يازيلردن ، توركلرى يرله شدير مك
امل عاليسنده بولونان ؛ حال بوكه : عثمانلىك اجدادى اولان قاي
خانلىرى ده وطنلرندن دور ايدوب مهاجرته مجبور بيراقان داهى
اكبرك ! فطرت وحشيه و مزيت حقيقه سى آ كلاشيلمشدر صانيرم .
آرتيق جهانلر بيقوب كچن و جانلر ياقوب بالخاصه تورك عرقندن
اولانلر قاننى ايچن بو حريفك مزارينه يمين ايديلمكمى ، يوقسه
الى الابد نامنه نفرين اوقونمقى لازم كلديكى دوشونولسون .

برازده (هلاكو) [۱] دوستمزدن و فتوحات شريفه سندن ! بحث ايدلم :

[۱ هلاكو - اصلى قولاخو ، قوله آت ، هلاكو خان بن تولى خان
بن جنكيز خان كه مشهوردر . بغداد ، شام ، كابل ايله اكثر بلادى
تسخير ايدمرك وفاتى ۶۶۳ عمرى ۴۸ ايام سلطنتى ۸ سنه در . خواجه
نصير طوسى ، آنك اسريله مراغه تبريزده بر رصدخانه بنياد اتمشدر .
لغت چغتايى - شيخ سليمان افندى

شيخ سليمان افندى (جنكيز) كلمه سى ايچينده شوايضاحاتى ويريور :
« جنكيز : قوى ، غيور ، سرت ، بيوك ، بزرگ ، اولوغ . مشهور
جنكيز خان . مثال :

هم اولدم كه تحت اوزره قيلدى مكان

لقب قويديلار آنكا جنكيز خان

كه جنكيز معنى سى بى اشتباه

مغول لفظى ده كيلدى شه لارغه شاه

اصل اسمى تموچين بن يسوكاى »

جنکيز خونريزك اولاد سارمندن باشقه (جوجى خان)
 [۲] (چغتای خان) (اوكتاقاآن) (تولى خان) اسملى دورت
 اوغلى واردی .

عرب تاريخلرنده (دوشى خان) ناميله مقيد بولونان (جوجى
 خان) قاپچاق وجنوبى روسيه ده ، (چغتای خان) ده ماوراء
 النهرده حاكمدى .

جوجى خان ، باباسنك صاغلغنده وفات ايدوب يرينه اوغلى
 (بايدوخان) تعيين اولوندى و قريمدهكى تاتار خانلىرى بونك
 نسلندن ظهوره كلاي . چغتای خان ، كرك پدرينك ، كرك
 برادري اوكتاقا آنك زماننده بالتبعيه توركستان حكومتنده
 بولونمش ايسه ده اولادواحقادى كسب استقلال ايدرك تيمورلنكك
 ظهورينه قدر حكومتلرى پايدار اولمشدر .

(۲) دوشى خان، جنکيز خانك بيوك اوغليدر . جوجى ناميله ده
 مذکوردر . آناسى قنقرات قبيلهسى رئيسك قیزی (بوریه قوجین)
 نام خاتوندر . سرکیت قبيلهسى رئيسى ، برکيجه بفته جنکيزك قبيلهسى
 باصوب مزبوریهی اسير آلدی که اولوقت حامل بولمىشدی ، آز برمدت
 صکره رئيس مرقوم ، بوریه قوجینی جنکيزه اعاده ایتدی . مزبوره
 يولده حملنى وضع ايدرك يانسه وصول بولدقده جنکيز، اظهارمسرت
 ولسانلرنده مسافر معناسنه اولان (جوجى) لفظنى شو چوجقه اسم
 وضع ایتىشدی . مرأت العبر جلد ۹ دياربكرلى سعيد پاشا
 جوجى : بفته ، وهلة كان مسافر، سويلی چوجق ، دابر جوجه ،
 تازه . . لغت چغتایی — شيخ سليمان افندی .

تولی خاں ، پدرینک پک سہ و کیلیسی و مصاحب دائمیسی اولدینی
جهتله یاسند . آریلماش و جنکیزک اولماسندن برار صوکرآ ،
یعنی ینہ اوسہ اینچندہ باباسنک کیتدیکی یرہ کیتمشدر .

اوکتاقاآں ، پدرینک جانتینی اولمش ، وفاتسندہ قاریسی
(توراکیما) تخت حکومتہ کچمش ، اوندن صوکرآ اوغلی
(کیوک خان) . داها صوکرآده تولی خانک اوغلی و کیوک خانک
عمجه زاده سی (منکوقاآن) موغول سریر حکمداریسنہ
اوپورمشدر . [۱۱]

منکوقاآن . حکمدار اولدقدن صوکرآ برادری (قوبلای) ی

[۱۱] منکوقاآن : سلالہ * جنکیزک دردنجی حکمداری اولوب
جنکیزک دردنجی اوغلی تولی خانک اکبر اولادی ایدی . ۶۴۸
تاریخندہ عم زاده سی (کیوک خان) ک وفاتی اوزرینہ تخت سلطنتہ قومود
ایده رک برادرلردن هلاکو خان غریب ، یعنی ایران و عراق و شام
و قبالا آتی چین و تبت جهتلرندہ توسیع ممالکہ مأمور ایتمش و ۹ سنہ
حکومت سوردکدن صکرہ ۶۵۷ ده جینده بر شهری محاصره ایتکده
ایکن قتل اولمشدر . اسلامتہ نسبتہ عادل و منصف اولوب سادات علما
و مشایخی تکالیف میریهدن عفو ایتشدی . فرانسه قراالردن طوق زنجی
لوری ، کندیسینی خریستیانلغه دعوت و اسلامه قارشى اتفاقی تکلیف
ایتمک اوزره نزدینہ بر هیئت سفارت کونده رمش ایسهده صاحب ترجمه ،
بومیئنه و تکلیف واقعه اصلا التفات ایتمه شدی .

شمس الدین سامی پک

منکو : موغولجه (خالد ، مخاید) معنالرینه کلیرمش .

۵۰۰۰۰۰ عسکرلہ شرق طرفہ ، دیگر برادری (ہلاکو) پی دہ
 - ایلخان [۱] یعنی ایل و عشیرت خانی عنوانی و یروب -
 ۲۰۰۰۰۰ عسکرلہ غرب طرفہ یوللادی [۲] معیتہ دہ بیک دانہ
 (فقط انداز) ایلہ بیک دانہ (منجینق ساز) و بردی .

بو اور دولرک و وظیفہ سی ، قوماندانلرینک بویوک بابالرندن
 آرتہ قالان یرلری ، یاقوب ییقمق و اورالردہ کی اہالی پی کسوب
 یچمک ایدی .

قوبلای خان ، شرقہ کیتدی و چین اقلیمنی استیلا ایدوب
 (پکین) تخت حکمداریسنہ او طور دی . نہایت ۶۹۳ دہ وفات
 ایدوب مقامنی طورونی (تیمورخان) ہ پیراقدی .

ہلاکو ایسہ : ۶۵۴ تاریخندہ (باطنیہ) حکومتنی استیصال
 ایدہرک حکمدارلری اولان (خواندرکن الدین خاورشاه) ی

[۱] ایلخان : جنکیزک تورونلرندن ایران و عراق جہتلرندہ حکم
 سورن و خلافت عباسیہ ختام و یروب ممالک اسلامیہ پی زیروزبر ایدن
 ہلاکو خانہ تخت جنکیزیدہ بولنان برادری (منکوقاآن) طرفندن
 ویرلن عنواندر .

شمس الدین سامی بت
 [۲] منکوخان ، ہلاکو پی غربہ مأمور ایتدکن صکرہ حین
 وداعدہ « ملوک اطرافدن سکا متابعت ایلہینلرہ تعرض ایتہ .
 علی الخصوص خلیفۃ عباسی ، سکا اظہار محبت ایلر ایسہ آنی انجیتہ .
 اما سرکشک ایلر ایسہ جنکیزخان قانونی اوزرہ لازم کلنی اجرا ایتہ
 دیو ہلاکو یہ تعلیمات ویرمش .

قصص انبیاء جلد ۱۱ جودت پاشا

طوتوب قارده شنه گونده ردی . خواندرکن الدین ، ماواء النهره
کتیریلدیکی صیراده منکوقا آندن کان امر اوزره رینه قفاسی کسیدلی
وباطنیه سلسله خبیثه سنه شوصورتله خاتمه چکیلدی .

هلاکونک سیئات لائحہ سانه مقابل کوسته ریله بیلہ جک یکانه
حسنه وارسه اوده باطنیه حکومتنی استیصال ایتمه سیدر .
بوندن صوکر ایرانی و آذربایجانی استیلا ایلہ یه رک قسطنطنیه
اوزه رینه کیتمک فکر نده ایکن بر اسلام عالمی ایلہ بر اسلام وزیرینک
تشویق و تسهیلنه بناء دارالخلافه بغداده یورومشدر .

بو اسلام عالمی (محقق طوسی) دنیلن (نصیر الدین) ایدی که
باطنیلرک پای تختی اولان (الموت) قلمه سنده او طور وب
(خواندرکن الدین) طرفدن سفارتله هلاکویه یولانیلمش
و کوردیکی اکرام اوزرینه ایلخان نزدنده قالوب اوکا عقل
خواجه لئی ایتمه یه باشلامشدی .

اوبری ایسه بغدادده کی خلیفه عباسی (مستعصم بالله) ک
وزیری (مؤید الدین ابن علقمی) ایدی که : شیعی المذهب اولدینی
جهتله مقام خلافتده سنی بر ذات بولونماسنی چکه میور ، عباسیه
خانداتی محو ایدهرک علوی بر خلافت تأسیس ایلہ مک ایستیوردی .
ایکیسی ده شیعی بولونان بو عالم ایلہ وزیرک مذهب مغایرتندن
باشقه خلیفه عباسی یه شخصی منافرتلری ده واردی که : نصیر الدین ،
مستعصم بالله و صفنده برقصیده یازمش ، فقط - ابن علقمی نک

عرض ایتمه ییشندن طولای - اومدیجی جازدی آلاماشدی .
 ابن علقمی نك غرض و منافرتنه کلینجه : بغدادده سنیلرله شیعیلر
 آراسنده اکسیک اولمایان مذهب غوغالرندن بری آزیش-شمش
 و خشفه زاده (ابوبکر) نك امریله عسکر مداخله ایدمک شیعیلرک
 اقامتگاهای اولان (کرخ) محله سی یاقلماشدی .

یشته بوغرضکاران . بر نقطه ده برله شدی . بری ، هلاکونی
 بغداد اوزمیرینه یوزومه یه نشوبق ایدییوردی . دیگر ی ، جانلی
 دعوتنامه [*] کوندرروب (مستنصر) زمانده ترتیب ایدیلش
 اولان سوار ی عسکرینک مقداری ی یوزبیکدن یکر می بیکه
 ایندیریور ، اولنرک معاش و تخصیصاتی ده اهالی اوزمیرینه
 یوکلے تیوردی .

خلیفه مستعصم ایسه ابن علقمی به تودیع امور ایله مش
 اولدیغندن بولنرک هیچ برندن خبر آلاموردی ، چونکه :
 حلیم و سلیم بر آدم اولقله برار مقام خلافتی اداره ایدمک
 بر حانده دکلدی . وزیرینک معروضاتنه آلدانیور و سلم و سکون
 ایچنده یاشادیغنه اینانیوردی .

[*] هلاکونی دعوت ایچون شو یولی بولدیجی مشهوردر . بر
 کوبلی نك باشی ترش ایتدیردرک جلدینه ایکنه و کحل ایله یازمحقفی
 یازدومن صکره صاجی کلنجیه قدر حبس ایتمش . بعد « و صولکنده
 باشکی ترش ایتدیرجی اخطار ایت » تاپیله دوللی یی کوبدرمشدر .
 باشک بر طرفنده « مکتوبی اوقودقدن صکره یریک » ما لئ یازمش
 اولدیغندن بعد الاطلاع کوله یی درحال اولدیرمشلدر .
 اسامی — مله ناجی .

نهایت کونک برنده هلاکونک بر اولتیا تومی کلدی که «دوستمنز اولدیغکنن بحث ایدیورسک ده یازدیم ایچین عسکر ایسته دیکمنز وقت کونده رمیورسک . دوستیدسک . دشمنیدسک؟ حاک، قالسکه اویمبور !» دیه یازیلشدی.

ابن علقمی ، بو اولتیا تومه متضمانه بر جواب یازدی . نصیر-الدین طوسی ایسه جوابی ، هلاکونک حدقی تحریک ایده حاک صورتده ترجمه و تفسیر ایله دی

چون قلم در دست غدارى بود

لاجرم منصور بردارى بود

بناءً علیه موغول اوردوسی ۶۵۵ تاریخنده بغداده یاقلاشدی . خلیفه نك امراسندن بولونان (رکن الدین) یکر می بیکه وارمایان سواری عسکر یله قارشی چقبوب بغداده ایکی قوناقلق مسافه ده چارپیشدیسده ۲۰۰۰۰۰ موغولک آتدنی اوقاره قارشی طورامادی .

عسکر نك بر قسمی سوریه طرفلرینه ساووشدی . بر قسمی ده کندیسيله برابر بغداده طوغرو قوشدی .

هلاکو اوردوسی ، یورو یوب بغدادی محاصره ایتدی و نطق آتشرینه منجنیق طاشلری آتایه باشلادی . قرق، اللی کون سورن محاصره اناسنده بغداد شهر معوری یا ژوب ییقیلوردی . ابن علقمی ، مصالحه تکلیفنده بولونمق اوزره خلیفه دن اذن

آلوب محاصره آورد و سینه کیتدی . اوراده دییه جگنی دید کدن
 صوکره دونوب کلدی و « هلاکو ، سزی مقام کزده ابقا ایتک ،
 حتی قیزی اوغل کزده تزویج ایله مک ایستور . اجدادیکزک
 دیلمیلره و سلچوقیلره انقیاد ایتدکری کبی سزده بونلره مطاوعت
 کوسته ریرسه کز مسلمانلرک مالنی و جانی قورتارمش اولورسکز .
 براز وقت کچینه ده دیله دیک گزی یاپارسکز ، دبدی .
 زواللی خلیفه ، بویالیزی سوزلره آلدانوب اوغوللری ،
 اعیان دولتی و سادات بنی عباس ایله هلاکو آورد و سینه کیتدی ،
 اهمیتسز بر صورتده قارشیلانوب بر اوبایه قوندورولدی .
 صوکره ابن علقمی « هلاکو ، قیزی خلیفه زاده یه ویره جک ،
 نکاح جمعیتنده بولونکز » دییه بغداد علماسیله فقها سنی دعوت
 ایتدی . طاقیم طاقیم کلدیلر . اوندن صوکره وحشی بر جلادلق
 باشلادی . بغداددن کلنلری مستعصمک کوزی اوکنده برر برر
 اولدور دیلر . کندیسینی ده کچه یه صاروب موغول ااصولنجه
 تکمه لرله خرد و خاش ایدرک شهید ایله دیلر .
 بعده بغداده کیروب قتل عامه باشلادیلر . قرق کون سورن
 بو وحشت ائساننده صاییلماز ، یا خود صاییسنه اینانیلماز درجه ده
 نفوس قتل اولوندی ، قیمت مادیه سی بولونان اموال و اشیا یغما
 ایدیلدی . قیمت معنویه لرینه بها یه تیشمه ین کتب نفیسه ایله بعض
 امانات متبرکه دجله نهرینه آتیلدی .

خلاصه : تعبیر معروف وجهله طاش اوستنده طاش ، گووده اوستنده باش بر اقلیمادی. آجاق قارغاشالقدہ صاووشا بیلندر ، یاخود قویولرہ وصویولرلرلہ ایزبہ محللرہ کیزلہ ندر قورتولدی . مستعصمک قرارکاهہ کیدرکن (خرقہ پیغمبری) پی لابس و (عصای نبوی) پی حامل بولوندینی وقتلندن صوکر ا هلاکونک امریلہ بونلرک یاقلمش اولدینی ده مرویات تاریخیه دندر .
(سید امیر علی) افندی (مصور تاریخ اسلام) عنوانلی اثرنده دیورکہ :

« بغدادک صورت تخریبی تصویر ایچون (جیون) کی بر مورخ استادک قلمی لازمدر . اللرنده مصحف شریف بولندینی حالده اولرندن دیشاری چیقارق طب امان ایتمش اولان قادین وچو حقلر هدف شمشیر اولوبوردی . برخیلی کبار قادینلر سوقاق اورتلرینه جر ایدیلرک اک ایکنج معاملات بهمانه آلت اولویورلردی . بونجه حکمدار معرفتیه و عصرلرجه بر مدت ظرفنده جمع ایدیلن خزائن صنعت و معرفت ایلہ اسکی ایران مدینتک بقایاسی ، بر ایکی ساعت ایچنده تمامده محو وازالہ ایدلدی . اوچ کون قدر بغدادک سوقاقلرنده قان جاری اولدی . دجلہ بر قاق میل مسافه یه قدر قرمزیه بویامشدی . یغما . قتل و تعدی فضاحی آلتی هفته قدر امتداد ایتدی . جسم سرای ، جامع و تربلر یابوسه بوتون احراق اولونویور و یاخود حامل اولدقلری مذهب قہلرندن طولای ییقیلیوردی .

خسته خاوه دیاتان مریضان ایله مدار سده بولنان علما و شاگردان
بیله اولومدن قور تولما مشردی .

اله کچن کتابلر یا یاقبلیور . یا نهر قرینده ایسه صویه آنیلور دی .
ایشته بش عصرده طولورولان قیمتدار بر خزینه ایله بو بوک
برملك الك گزیده لهجه لری بو صورتله ابدیاً نابود اولمشدر ...
تاتارلرک هجو مندن اه ل بغداد شهرنده تقریباً ایکی میلیون
قدر نفوس موجود ایکن ان خلدونه نظراً قتل عامده و آلتی
هفته ظرفنده ۱۶۰۰۰۰۰ کیشی تلف ایدیلشدی ...

جنگیزک زماننده خدمتده بولمشر اولان (جهانکشا) مؤلفی
(حوانی) ده دیرکه : عالمی استیلایدن اختلال عظیم . یروزندن
وباخلصه بحراب معرفت و ملتقای معرفتمندان اولان خراساندن
علم ایله عالمی قالدیرمشدی .

تاتارلر ، بغدادی تخریب ایله دکن صوکر ا فرات نهرینی
بالرور گذرگاهلرنده غارت و قتل عام ایله دمکذار اولارق
الجزیرهیه واصل اولدیلر . حران و نصیبین سکنه سنی قیلیجدن
کچیردیلر . حلبده اللی بیک کیشی اتلاف ایدیش . بیکرجه قادین
وچوجوق اسیر آلمشدی »

مستعصم باللهک شهادتیه ۵۲۴ ییلاق خاندان عباسیه خلافت
وسلطتی . منقرض اولدی . عالم اسلام ، اوچ بوچوق سنه قدر خلیفه سز
قالدی . نهایت ۶۵۹ تاریخنده مصرده و (ملک الظاهر بیبرس)

زماننده بر خلافت اسلامیہ تأسیس ایدیلہرک مرحوم مستعصمک
عمجہ سی اولوب بغداد قتل عامی صیراسنده چوله قاچق صورتیہ
قور تولان (احمد ابوالقاسم العباسی) یہ (مستنصر بالله) لقیلہ
بیعت اولوندی (۱۳ رجب سنہ ۶۵۹) نامہ سکہ ناصیلدی .

فقط خلافتک بودفعہ کی حالی ، او لکینہ مقیس اولاحق درجہ دہ
دکلدی . سلطنت . مصر کولہ منارینک آئندہ بولوندی جہتہ خلیفہ نک
وظیفہ سی . تکیہ شیخانک نہ دوئمش و مقام حکومتہ کچن سلاطینہ
(ولینک السلطنة) دیہرک قیلیچ قوشاتوب منشور ویرمکدن
عبارت قالمشدی کہ خلفانک شوضف و عجزی (یاووز سلطان سلیم) ک
امیر المؤمنین و خلیفہ سید المرسلین اولماسنہ قدر سورمشدی .

ابن علقمی ، ولی نعمتک زوال خلافتیہ شہ دتنہ خدمت
ایتدکدن صوکر اعلوی بر خلیفہ اقامہ سنی ہلاکودن رجانیلہ دیسہ دہ
مسئولی اسعاف اولونمادی و شیخضہ اہمیت ویرن کیمسہ
بولونمادی . کمال ذلت و حقارت ایچندہ و آز مدت ظرفندہ عازم
دار مجازات اولدی .

نصیرالدین طوسی دہ : ۶۷۲ تاریخندہ بغداددہ وفات ایدہرک
(امام موسی کاظم) رضی اللہ عنہ حضر تلرینک تربۂ شریفہ سی
جواریتہ دفن اولوندی .

(ندیم) کبی دنیا دہ ذوق وصفادن باشقہ بر شیئہ صرف
ذهن ایتہ مش اولان لاقید بر شاعرہ بیلہ :

تحميل ملكنى ييقدك هلاكو خاميسك كافر !

بوتون دنيایي ياقدك آتش سوزانميسك كافر !

دیدیر تهجك قدر جانسوز وجهانفروز اولان هلاكونك

قانی فتوحاتندن ايشته بر نمونه !

بويوك باباسنك بويوك فكرله ! ياپدينى تخريباتى ده خلاصه

الخلاصه اولارق يوقا ريده يازمشم . تيمورلنكه كلينجه : وقايع

وحشيانهسى ، تاريخ عثمانيزده مفصلاً يازىلى بولونديغندن بوراده

اوندن بحثه لزوم كورميورم . عجباً بوقانلى حريفلك ، بوانسانيت

دشمنلرينك ، بومديت مخربلرينك هانكى فضيلتلى كورو لويورده

كنديلرينه يك بويوك پايله ويريملك و توركللك نمونه علوي

اولارق كوسته ريمك ايسته نيليور ؟ نه سويله يهيم ؟ جناب حق ،

جمله مزه پرده سز كوز ، غرض سز يورهك ، اختلاسلر شعور

احسان بويورسون .

منكو قا آن ۶۵۷ ده وفات ايتدى . هلاكو ، اونك يرينه

كچمك ايچين موغولستانه دونه چكى صيراده قوماندانلرندن برينك

شامده فنا حالده بوزولماسى [۱] اوزه يرينه ايرانده قالدى و (مراغه) يى پاي

[۱] ۶۵۷ سنه سى حلولنده موغوللر (آمد) . كلديلر . حاكمى

اولان (كالم الدين) مصر حكومتندن استمداد ايتدى . او وقت سلطان مصر

(ملك المنصور على بن المعز) ايدى كه هنوز صبى بولونويوردى (امير سيف الدين

قطز المعزى) ده لالاسى ايدى .

امير قطز ، امرا و اعيانى طوپلايوب مشاوره ايتدى . (شيخ عز الدين بن

تخت انخاز ايله اعلان استقلال ايتدی . ۶۶۳ سنه سنده ده جزای
جناياتی کورمک اوزره اوردنیايه کيتدی . (۲)

عبدالسلام) که فضل و کایله مشار بالمان بر ذات صاحب عرفان ایدی .
« ممکت ، دشمن هجومه معروض قالینجه بونون اهلینک مدفعه ده
بولونماسی واجب و اوردونجهیزی ایچین رعایدن اخذ اموال ایدیله سی ده
جائزدر . فقط شوشرط ایلکه : بیت المالدہ بر شی قالمش اولمالی ، جمله کزده
زواند و مزیئاتکیزی صائب آتالی و سلاحکیزی صاقلامایسکیز ، هرکستله
واراق و یوقلق خصوصنده مساوی اولمالیسکیز ، یوقسه عسکرک الدمه اموال
ذاخره و اسلحه فاخره بولوندقجه کیمسه دن برشی آلامازسکیز » دیدی .
بر قاچ کون صوکر ا امیر قطز ، صبی اولان ملک المنصوری خلع ايله
کندیسی تسلطن ایتدی و (ملک المظفر) عنوانی آلدی .

۶۵۸ سنه سنده موغوللر ، فراتی کجوب حله کیردیلر اوراده برچوق
نفوس اتلافدن صوکر ا دمشقه واصل اولدیلر ، ملک المظفر ، شعبان
ایچنده مصر دن چیقدی . (رکن الدین بیبرس البندقداری) ده برابرده
ایدی . (عین جالوت) موقعنده موغول اوردوسیله قارشیلان شیدیلر
ورمضانک ۱۵ نجی جمعه کونی چاریشدیلر . موغوللر ، فضله تلفات
ویردکاری جهته بوزولوب قاچدیلر . ملک المظفر ، دمشقه کیردی . رکن الدین
بیبرس ده دشمنی تعقیب ايله حلب و حوالیندن تبعید ایلده دی .

تاریخ الخلفاء - امام سیوطی .

(۲) هلاکو مراغه ده اسیر حسن و آئی اولدینی بر ارمنی قاریسنک
کوکلی خوش ایتک ایچون جوامع تریفه یی تحریب ویرلینه کلیسالر بنا
ایلمکله مشغول ایکن مراغه دن (چقتو) قیشلاغنه کیدوب استحمام
ایتدکن صهره مزاجنه انحراف کلدیکندن اطیانک آفاقيله ویرلن
مسهل ، بناء حیاتیی مضحکل ایلدیکی جهته قرق سکیز یاشنده اولدینی خالد
عازم بشن المصیر اولدی . مرآت العبر . جلد ۹ دیار بکرلی سعید پاشا

تشکیل ایله دینی حکومته (دولت ایلخانیه) و او دولتک
حکمدار لر یه (ایلخانیان) تعبیر اولونور .

(ابن الاثیر) (تاریخ کامل) نده دییورکه :

« موغول حادثه سی ، عموماً بشریته و خصوصاً اسلامیه
عارض اونس بر مصیبت کبرادرکه زمانلر ، مثلنی انیان ایتکدن
عاجزدر . بری چیقوبده (دنیا یارادیلالی بری بویله بر بلایه
اوغرامامشدر) دیسه طوغس و سویله مش اولور . چونکه :
تاریخدارده بوهائله نك برأشی کور و لمه مشدر .

کتاب توار یخده اعظم مظالم اولوق اوزره (بخت نصر) ک
بیت المقدس ایله بنی اسرائیله بایدینی کوسته ریایر . حال بوکه :
بیت المقدس ، بونلرک تخریب ایتدکری بلده لر یاننده هیج ،
بنی اسرائیل ایسه قتل عام یایدقلمی نفوسه نسبتله هیج ایدر .
هیچدر .

بور مصیبت مدهشه ایدی که : روز کار اوکنه دوشمش
بولوطرکی قوشویور و یاقوب بیتمق ایچین آلور ، ییلدیریملر
طاشیوردی . زیرا : چین طرفدن ظهور ایدرک کاشغر و بلاد
ساغون کی تورکستان بلده لری اوزرینه یورودیلر . اورادن
بخارایه و سمرقنده کلوب اونلری آلمقله برابر اهالیسنی تمامیه
اولدوردیلر . سوکرا ایچلرندن بر قسمی ، خراسانه کچوب تخریب
و قتل صورتیله ایلرله یدرک (ری) و (همدان) شهرلری چیکنه دیلر ،

حتی عراق حدودینہ دایا دیار . دایا صو کرا آذربایجانہ توجہ
ایده رک عین شناعی اورالردده یایدیلر که هپسی برسنه ایچنده
وقوع بولدی .

آذربایجاندن دربندشروان ایلہ (لان) و (لکزی) طرفلرینہ
قدر کسوب یچہرک اوزان دیار . بعدہ (قاپچاق) طوعرولوب
بولدقارینی اولدور دیار . متباقسنی ده ترک دیارہ محبوبور ایتدیار .
ینہ ایچلرندن بر قسمی (غزنہ) طرفلرینہ کیدوب (سجستان)
(و) (مکران) ده عین وحشتی ، بلکہ دها فصدہ دنائی یایدیلر .
ایشته بونلر ، ایشیدیلر مش شیلردر . اسکندر کی برجهانگیر
بیله بودرجه سرعتہ تسخیر بلاد ایده مه مشدی . چونکہ : ضبط
ایله دیکی ممالکی اون سنہ طرفندہ آلمشدی . برده کندینہ انقیاد
کوستہ نلرہ قطعاً ضرری دو قونما مشدی .

بونلر ایسه برسنه ایچنده دنیا تک اک کوزل و اک معصوم یرلرینی
آلمشیلر و کیده مدکاری رلردہ کی اہالی یہدہ فوق العادہ بز قورقو
صالمشیلردی . «بغدادہ کلہ لری و اورادہ کی وحشتلرینی سویله دکن
صو کرا» خلیفہ . تکملہ لرلہ اولدورولدی . (امام ذہبی) نک
ظنہ کورده دفن اولونما یوب جسدی میدانده بر ایلدی .

رومالیلر آرسندہ (نہرون) کی بر ظالمک ظہوری ، رومالیلر مشرف
و بر مہدی کی (جنکینز) دہ نیان اظالمک دہ ، و غولستاندن خر و ج ایلہ

اسلام و بالخاصه تورك عالميرني هرج و مرج ايمه سي، توركلر ايچين مدار افتخار اولاماز .

بن ، ديناً مسلمان اولديغم کي عرقآده تورکم . فقط دينداش و عرقداش لر مدن بر چوغني کسمش ، حتي اجدادي مي ترك دياره مجبور ايتمش اولان جنکيزک کمديسييله ده، اوغوللري و طورونلري ايله ده افتخار ايله مک شويله طورسون ، اوروپاليلر ، تورکلرله موغوللري بر استدير يورلر ، بومناسبتله بني ده جنکيزه منسوب بيليورلر ديه عار ايدهرم .

بوکون (نرون) نامني ايشيدن بر خرستيان ، عيسوي لره ياپديني اشکنجه لري خاطر لادينجي جهتله او قيصر ستمکره ديشلريني غيچير داتير . (.) (جنکيز) آديني دويان بر مسلمان ده دينداش لرينه قارشى اجرا ايله ديکي وحشتلر طولاييسييله او بشریت دشمني ايچين قلبنده ايم بر آجي دويار و اوکاخصومت بسله مه سني ، مسلمان شهيدلرينک جزاي انتقامي صايار . بوکا بناء درکه جنکيز ايله پروان وحشتنک اساميسي ، آلتی يدي عصر دن بری عالم اسلامده کمال نفرت واستکراه ايله ياد ايديله گلش و بزم مملکتده کی بعض افراط پروراندن باشقه بالعموم معاصرین مسلمينجه ده بو حال دوام ايله مکده بولونمشدر .

(.) علی الخصوص او ظالم نرون ، مظالم مشهوره سييله برابر جنکيز خان حضرت تليرينک حضور شقاوتنده لاتشيه حواری (سن پير) درجه سنده قالير .

ایشته (سراج الاخبار افغانیه) غزته سنک — که حکومت اسلامیہ آراسنده مهم بر موقع سطوتی بولونان افغانستان دولتک پای تختنده انتشار ایله مکده در — ۱ جمادی الاولی ۳۳۲ تاریخی و ۱۴ نومرولی نسخه سنده بولغارلرک روم ایلیده اجرا ایله دکری مظالمه دائر قلم یوروتولورکن :

« قبل ازین در شمارهای روز نامه مبارکه در زیر عنوان (عبرت نامه) از مظالم بلغار و حرکات جنکیزانه آن گروه ستمکار عرض انظار بصیرت دثار خوانندگان ذی اقتدار و مطامه کنندگان صاحب وقار نموده بودم »

ده نیلیور و جنګیز مظالمی، بولغار مظالمه مشبه به اولمق اوزره کوسته ریلیور. تشبیهده مشبه بهک مشهدن اقوی اولماسی، ادبیاتک اک زیاده بیلنیر واک چوق تطبیق ایدیلیر بر قاعده سیدر .

دیمک که عالم اسلام، مشرک بر موغولک بویو کلکنی طانیق شویله طورسون، اونک فجایع و فضایحی اونوتا میور. بوالیم خاطره یی ادامه ایتمه سنده ده حق وار. بزم بولغارلردن کوردیکمز حایدودلفی اونوتما مز و بر بولغارک آئی طوتوبده «غوسپودین! سز، یوردیمزی چیکنه دیکز؛ کنج، اختیار، چولوق، چوجوق دیمه دیکز. کس دیکز، دوغرا دیکز، یاق دیکز، ییق دیکز. اما بونلر ایکی قارده شک غوغاسی کبدر. بر شیدر اولدی. بز اونلری اونوتدق. کچمشه ماضی، ینمشه قوزو دیرلر! » دییه بیلمه مز ممکنسه مسلمانلق

عاشك ده موغول مظالمی او نوتوب اونك سر کرده سی بولومان
جنگیزی سه و مه سی قابلدر !

بوخونیزك آدی اورتایه سوروب ده دایما اوکا دأرسوبله شمك
كولله نمش بر آتشی أشمك وقابوق باغلامش بر یاره یی ده شمك کییدر .
رسول الله صلی الله علیه وسلم اغدیمز (لا تؤذوا الاحیاء بسبب
الاموات) بویورویورکه (أولولر طولا یسیله دیرینری ایحیتمه یك)
دیملکدر . حضرت مولاناده :

(می بلرزد عرش از مدح شقی) دیورکه : بر شقینك مدح اولو نماسیله
عرش الہی تیتزر . معناسنده در .

تواریخ موخوده اورتادن قالدیر یلما دقچه جنگیزك شقاوتی تاویل
اولو نامایه جغندر اونك مدحیله کوکلر ده عرش خداك یرلر قلوب
اهل ایمانك تیزه یه چکنی و ۵۲۴ سنه سننده دارمجازانه کیتمش اولان
بر مشرکک یوزندن بوکونکی مسلمانرک رنجیده خاطر اولاجقی
دوشونمہ لی .

تورکاک و مسلمانلغه خدمت ایدیلک ایسته یلیورسه مسلمانلغه
خدمت ایتمش تورکلردن بحث اولونمالی له الحمد لله - الامیت و انسانیتہ
بحق خادم اولمش رجال اترک پک چوقدر . مثلاً شویله ردوشو بولونجه
خاطره (ابوالجیش خارویه) کایر . بو آدم . مصرده کی (بی طولون)
حکومتی مؤسسی (احمد بن طولون) ك اوغلی ایدی . تحت حکومتہ
جلوسنده خلیفہ عباسی (معتضد بالله) ایله حرب ایدرک اردوسنی بوزدی .

عسکر نندن بر چوغنی اسیر آلدی . اسراندک هپسنی اعدام ایتسه یدی
 طبیعی کیمسه برشی دییه مه یه جکدی . فقط او یله یامادی . اونلری کندی
 اتباعنه مسافر و یردی و « بونلر » سزک قارده شکزدرد ، اویکزه
 کوتورک . کندیلرینه اکرام ایدک ، استراحتلرینه چالیشک « امرینی
 و یردی . صوکراده اسیرلر ایچین « ایسته یین مملکتنه کیتسین ، دیله یین
 یانمزد قالسین » مساعده سنده بولوندی . ایشته بوده تورکی الاصل
 و مسلمان بر حکمدار ایدی . اسرایه ایتدیکی شو محامله ایله
 کندیسندن ایکی بوچوق ، اوچ عصر صوکر کلا کلن موغول
 و مشرک جنگیزک اسیرلره یاپدینی معامله مقایسه اولونسون .

سامانیه حکومتی ازاله ایله بخارایی تسخیر ایله مش و ملکنی
 چین حدودندن بحر حزره قدر توسیع ایتش اولان (بوغرا
 هارون خان) ده پیغمبره کوله اولمغه افتخار ایدر و امضاسنک
 اوستنه (مولی رسول الله صلی الله علیه و سلم) یازدیر یردی . بونک
 برادر زاده سی (موسی بن قره خان) ایسه اطرافده کی علمانی ،
 مشایخی ، ارباب فضیلتی طوپلایوب مکتبلر ، مدرسه لر ، درگاهلر
 انشا ایتدیر مشدی که دردنجی عصر هجری ایچنده ایدی . فقط
 بونلردن بر ایکی یوز سنه صوکر اظهور ایدن جنگیز ایسه عادتاً
 الوهیت دعواسنده بولونویور و یایلمش اولان مؤسسات عرفانی
 یاقوب یاقوب کچورودی .

سلجوقیلردن (طوغرول بک) محبسدن چیقاروب مسند

خلافتہ اجلاس ایله دیکی (قائم نامرالله العباسی) بك انلرینی
 اوپوب یوزینه ، کوزینه سوردرکن جنگیزك طورونی هلاکو ،
 ینه مقام معلائی خلافتده بولونان (مستعصم بالله العباسی) یی
 چکمه یه ساردیروب موغوللره چیکنه تمک صورتیه اولدورتویوردی .
 (آلپ آرسلان) ك بیزانس ایمپراطوری (رومانوس) ی
 اسیر آلدقن صوکر ا کوسته ردیکی بویوکلیکی ده (اسلام عسکرینه)
 عنوانی مقالات متسلله دن برنده (سبیل الرشاده) یازمشدم . تورکلره
 مفاخرملیه اوکره تمک ایسته یلر . بویکی ذواتك افعال واحوالندن
 بحث ایتمه لیدرلرکه هم سوزلری عین حقیقت ، هم ده هریرده
 وهرکس عننده نائل رغبت اولسون .

مطلقا موغوللردن بحث لازم کلیورسه (۶۹۵) تاریخده
 کندی مسلمان اولدینی کی خاندانیله برابر ۴۰۰۰۰۰۰ موغولك
 اسلامنه وطولایسیله دشت وختا جهتلرینك اهتداسنه سبب اولان
 (محمود قازان خان) ك نام بلندی ذکر ایدیلسین . باقی :

درخانه اکر کس است يك حرف بس است

۸	نجی صحیفه نك	۱۸	نجی سطرنده کی	(افراطپور انچه)
۱۶	»	۱۰	»	(بیکناه آدملرک)
۳۱	»	۳	»	(برله شدیرمک)
۴۸	»	۱۱	»	(یرلرده)

کله لری یا کاش دیزلمش اولغله تصحیح بورولماسی .

عسکران بر چوغنی اسیر آید . اسرا بک هپسینی اعدام ایتسه ییدی
 طبیعی کیمسه برشی دیه مه یه جکدی . فقط اویله یامادی . اونلری کندی
 اتباعنه مسافر ویردی و « بونلر ، سزک قارده شکزدر ، اویکزه
 کوتورک . کندیلرینه اکرام ایدک ، استراحتلرینه چالیشک » امرینی
 ویردی . صوکراده اسیرلر ایچین « ایسته یین مملکتنه کیتسین ، دیله یین
 یانمزد قالسین » مساعده سنده بولوندی . ایسته بوده تورکی الاصل
 و مسلمان بر حکمدار ایدی . اسرایه ایتدیکی شو مجامله ایله
 کندیسندن ایکی بوچوق ، اوچ عصر صوکرکا کلن موغول
 و مشرک جنگیزک اسیرلره یاپدیغی معامله مقایسه اولونسون .

سامانیه حکومتی ازاله ایله بخارایی تسخیر ایله مش و ملکنی
 چین حدودندن بحر حزره قدر توسیع ایتمش اولان (بوغرا
 هارون خان) ده پیغمبره کوله اولمغه اقتضار ایدر و امضاسنک
 اوسته (مولی رسول الله صلی الله علیه وسلم) یازدیریردی . بونک
 برادر زاده سی (موسی بن قره خان) ایسه اطرافده کی علمایی ،
 مشایخی ، ارباب فضیلتی طوپالایوب مکتبلر ، مدرسه لر ، درگاهلر
 انشا ایتدیرمشدی که دردنچی عصر هجری ایچنده ایدی . فقط
 بونلردن بر ایکی یوز سنه صوکرکا ظهور ایدن جنگیز ایسه عادتاً
 الوهیت دعواسنده بولونویور و یاپیلمش اولان مؤسسات عرفانی
 یاقوب یاقوب کچوردی .


سلچوقیلردن (طوغرول بک) محبسدن چیقاروب مسند

خلافتہ اجلاس ایله دیکی (قائم بامر الله العباسی) نك انلری
 اوپوب یوزینه ، کوزینه سورہ رکن جنگیزک طورونی هلاکو ،
 ینہ مقام معلاتی خلافتدہ بولونان (مستعصم بالله العباسی) نی
 کچہ یه صار دیروب موغوللره چیکنه تمک صورتیہ اولدورتویوردی .
 (آلپ آرسلان) ک بیزانس ایمپراطوری (رومانوس) ی
 اسیر آلدقن صوکر اکوستہ ردیکی بویوکلکی ده (اسلام عسکرینه)
 عنوانی مقالات متسلسلہ دن برندہ (سیدل الرشادہ) یازمشدم . تورکلره
 مفاخر ملیہ اوکرہ تمک ایستہ بنلر . بویکی ذواتک افعال واحوالندن
 بحث ایتمه لیدرلرکه هم سوزلری عین حقیقت ، همده هریرده
 وهرکس عنندنه نائل رغبت اولسون .


مطلقا موغوللردن بحث لازم کلیورسه (۶۹۵) تاریخنده
 کندی مسلمان اولدینی کی خاندانیله برابر ۴۰۰۰۰۰ موغولک
 اسلامنه و طولایسیله دشت وختا جهتلرینک اهداسنه سبب اولان
 (محمود قازان خان) ک نام بلندی ذکر ایدیلسین . باقی :
 درخانه اکر کس است یک حرف بس است

۸	نجی صحیفه نك	۱۸	نجی سطرندہ کی	(افراطپوررانجه)
۱۶	»	۱۰	»	(بیکناه آدملرک)
۳۱	»	۳	»	(برله شدیرمک)
۴۸	»	۱۱	»	(یرلرده)

کله لری یا کلس دیزلش اولغله تصحیح بورولاسی .



UNIVERSITY OF TORONTO



3 1761 00375821 6

DS
22
043